

SARS YI AMUKELA XIBOHO XA KHOTOKULU MAYELANA NA TTN ROUX SHABANGU

Tshwane, 18 Nhlangua 2024 – Khomixinara wa Vukorhokeri bya Xibalo bya Afrika-Dzonga (SARS), Ttn Edward Kieswetter, u amukerile xiboho xa Xiyenge xa Khotokulu ya Gauteng North lexi endleke leswaku Ttn Ngwane Roux Shabangu a tihlamulela eka ntsandzeko wa yena wo hakela SARS swibalo leswi kayiveleke leswi kolotiwaka hi yena na tienthithi ta yena leti katswiweke. Ttn Shabangu u na mitsakelo yo hambanahambana ya mabindzu eka vumaki bya vuaki na miako.

Endzhaku ka matshalatshala mo leha na nkarhi wo leha ma SARS mo hlengeleta xikweleti xa xibalo lexi kayiveleke ku sukela hi 2019 no sivela tinhundzu tihi na tihi leswaku ti hangalasiwa leswi nga pfilunganisiwa ku ya emahlweni nhlengeleto wa ntsengo wo helela wa xibalo lexi kolotiwaka no fanela ku hakeriwa, SARS yi endlile xikombelo xa Xileriso xa Nhlayiso hi ku ya hi Xiyenge xa 163 xa Nawu wa Vulawuri bya Xibalo, Nawu wa nomboro 28 wa 2011. Xileriso xa nhlayiso xi kumiwile ehenhla ka *Majestic Silver 275 (Pty) Ltd*, leyi ku nga khamphani leyi lawulaka muakokulu lowu tirhisiwaka hi Ttn Shabangu ku katsa na Ttn Shabangu hi yexe na swirho swa ndyangu wa yena eka matshaku ma vona tanihi swirho swa *The Roux Shabangu Family Trust*.

Eka leswi swi vonakaka tanihi endlelo ra nonoka ku sivela ku nyikiwa ka Xileriso xo hetelela xa Nhlayiso, *Majestic Silver 275 (Pty) Ltd* yi endlile xikombelo xo ya eka mponiso wa bindzu hi ntsakelo lowu loko wu tirhisiwa, wu nga ta veka xisivelo angarhelo eka mafambiselo hinkwawo ya xinawu ehenhla ka khamphani ku sukela eka nsungulo wa mafambiselo ma mponiso wa bindzu.

SARS yi kanetile ndzingeto lowu wa mponiso wa bindzu naswona hi Nyenyenyani 2023, yi kumile Xileriso xa Nhlayiso wa nkarhinyana lexi tlakuseke xisivelo lexi nyikiweke hi ku ya hi xiyenge xa 133 xa Nawu wa Tikhamphani wa 71 wa 2008 hi ku yima na SARS no thola Curator Bonis (mufambisatimhaka ta timali) ku lawula mitsakelo ya *Majestic Silver 275 (Pty) Ltd*, Ttn Shabangu na swirho swa ndyangu wa yena tanihi Vatshembiwa va *Roux Shabangu Family Trust*.

Hi Dzivamisoko 2024 SARS yi kumile xileriso xa Nhlayiso xo hetelela ehenhla ka *Majestic Silver 275 (Pty) Ltd* na Vatihlamuleri van'wana. Mafambiselo ma mponiso wa bindzu ma *Majestic Silver 275 (Pty) Ltd* ma vekiwe etihelo no herisiwa.

Xiboho xi tlhele xi endlwa xo sungula swikombelo swa n'okiso ehenhla ka tikhamphani ta Ttn Shabangu no sungula swikombelo swa nteko wa tinhundzu ehenhla ka Ttn Shabangu na *The Roux Shabangu Family Trust* leyi ku nga Mutshembiwa wa, hi ku ya hi Xiyenge xa 177 xa Nawu wa Vulawuri bya Xibalo, Nawu wa nomboro 28 wa 2011.

Hi Ndzati 2024, swikombelo swa N'okiso na Nteko wa Tinhundzu ku phikisaniwile hi swona eKhotokulu ya Gauteng North. Khoto, endzhaku ka mbhurisano lowu faneleke, yi nyikile N'okiso wo hetelela ehenhla ka khamphano yin'we na swileriso swinharhu swa nkarhinyana ehenhla ka khamphani leyin'wana, Ttn Shabangu na swirho swa ndyangu wa yena tanihi Vatshembiwa va *Roux Shabangu Family Trust*.

Khomixinara wa SARS Ttn Edward Kieswetter u vurile leswaku "mivuyelo ya swikombelo leswi nga laha henhla yi tirha tanihi swikombiso swa xintshuxo xa SARS

xo tlhava nthurhu wa vandla eka matshalatshala ma yona mo hetisisa xileriso xa yona xa xinawu xo hlengeleta mali hinkwayo leyi kolotiwaka nkwama wa tiko. Swa nkoka, xileriso xa nteko wa tinhundzu lexi nyikiweke ehenhla ka Thirasiti i swa nkoka wo karhi tanihileswi swi kombisaka matshalatshala ma SARS lama ya ka emahlweni ku sindzisa vulandzelelanawu bya xibalo ehenhla ka Thirasiti yo tihlawulela leyi tirhisiweke hi ndlela yo fana tanihi xifambo ku papalata swibalo. SARS yi nge suki eka ndlela ya yona yo tirhana na hinkwavo handle ka ku chava, tintswalo kumbe ringhohe. Ndzi tshemba leswaku xikombelo lexi xi ta lolohisa lava nga na xikongomelo xo landzelela ndlela leyi"

Mayelana na vuxokoxoko hi xitalo, u komberiwa ku tihlanganisa na SARS hi ku tirhisa SARSMedia@sars.gov.za.